



UNIVERSITÄTS-
BIBLIOTHEK
PADERBORN

Universitätsbibliothek Paderborn

Opvs De Iudiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos &
Festos, ab ipso Auctore confectus

Stengel, Georg

Ingolstadii, 1651

17. Aquam benedictam, aliaq[ue], quæ Sacramentalia voca[n]tur,
fructuosê contra d[a]emone[m], & morbos adhiberi.

urn:nbn:de:hbz:466:1-45701

sanata. Similis huius olei effectus, in Annalibus nostris Anno 1599. Lugduni reportatus memoratur. *Ager magno febris astu conflictatus, inter confitendum, urgente morbo, de potestate mentis exierat. Iam de sua salute actum esse, sempiternis se supplicijs, apud inferos, damnatum clamitabat, nullius orationem auribus admittebat. Sacerdos, qui aures ei dabat, ubi furorem eius animo obstrepere animaduertit, ad diuina presidia, ubi deessent humana, confugiendum existimauit. Ita domesticos monet, ut sacrum oleum, quod ager, priusquam insaniret, postulauerat, celeriter adferendum curarent. Mira dictu visus, res! simul atque sacro rite inunctus est oleo, mentis sanitatem, paulò post etiam corporis valetudinem recuperauit. Ita in extrema Vnctionis Sacramento extremum salutis auxilium inuenit. Quod etiam alij inuenirent, si in sacris potiùs, quàm profanis medicinis remedia quærere didicissent.*

10. Præter dicta Sacramentorum remedia, sunt alia, quæ ab Ecclesiastica Clauium potestate, id est, ab autoritate remittendi peccata, quam Ecclesia habet, sunt ad remissionem peccatorum Venialium instituta, vt aqua benedicta, benedictio Episcopalis, Oratio Dominica, Confessio generalis, Oratio in Ecclesia consecrata, Tunctio pectoris, &c. quæ omnia vocari solent *Sacramentalia* quædam; quorum vsu, quando est cum aliqua erga Deum reuerentia, & si saltem implicite refertur ad eum finem, ad quem sunt instituta, peccata quidem Venialia primariò remittuntur, faciunt tamen etiam ad alios fines, vt ad diabolum impediendum, eiiciendum, cruciandum, ad morbos pellendos. Constat hoc ex vsu, & antiquissima traditione Ecclesiæ, contra quam disputare, *insolentissima insania est*, teste S. Augustino. Porro num hæc talia deleant peccata venialia *ex opere operato*, vel excitatione pij alicuius motùs, non est huius loci discutere. Illud huc spectat, vt doceamus, etiam per talia morbos subinde tolli. Aqua benedicta duplex est, nimirum baptismalis, in vigilia Paschæ & Pentecostes consecrari solita, quæ iure Canonico est comprobata; & lustralis, quæ singulis Dominicis diebus benedicitur, tum ad supradictum finem venialium peccatorum abolendorum, (vnde diligenter est vsurpanda) tum nominatim etiam ad dæmonis insidias & artes auerruncandas; de qua aqua extat epistola

Litt. An. Soc.
1599. An. 1599.
Lugduni.

XVII.
S. Thom. 3. p.
q. 87. n. 3.
Gregor. Val.
3. p. disp. 7.
q. 4. p. 1.

S. Augustin.
epist. 118.

c. in Sabbato
de cons. d. 4.

S. Clem. Rō.
lib. 8. Conflit
Apostol. c. 35.
Baron. Tom.
1. Annal. Sur.
in Chron.

epistola Alexandri I. Papæ; & constitutio S. Matthæi Apostoli, apud Clementem Romanum ista. *De aqua, & oleo ego Matthæus constituo, ut benedicat Episcopus aquam aut oleum: sin verò non aderit, benedicat Presbyter, presente Diacono. Cùm autem Episcopus aderit, assistant Presbyter & Diaconus. Dicat autem in hunc modum: Domine Sabaoth, Deus virtutum, creator aquarum, & largitor olei, miserator & amator hominum, qui dedisti aquam ad bibendum & abluendum, & oleum ad exhilarandum faciem in exultationem letitia: ipse etiam nunc sanctifica per Christum hanc aquam & oleum ex nomine eius, qui obtulit, vel quæ obtulit, & tribue ei vim sanandi & depellendi morbum, fugandi demones, expellendi insidias, per Christum spem nostram, cum quo tibi gloria, honor, & cultus, ac sancto Spiritui in secula. Amen. Valere hanc consecrationem, experientia testatur.*

XVIII.
B. Theodor.
lib. 5. hist.
cap. 21.

B. Epiphanius
hæres. 31.
Pallad. in
hist. Lausiac.
cap. 19.

Andoen. I. 2.
cap. 20.

Hanc autem contra dæmonem experientiam quotidianæ historiæ plurimæ ostendunt. Marcellus Episcopus, apud B. Theodoretum, Iouis Apamæni sanum diruens, vidit Spectrum, Acheronticum obstare, ne materiam ligneam ignis consumeret. Quare crucis signaculo aquam benedixit, qua flammam aspersit accenditque, & spectrum fugavit. Iosephus quidam, apud Beatum Epiphanium, cùm adhuc Iudæus esset, hominem insanum, aquæ benedictæ aspersione restituit sanitati; vti & Macarius, pristinae formæ feminam, quæ magicis præstigijs in equam fuerat transformata, effusâ dumtaxat aquâ sacra in caput eius. Immo S. Eligius Nouiomensis Episcopus quinquaginta Energumenos simul, porrecta eis aqua benedicta, liberavit. S. Anno Archiepiscopus Colonienfis, in Germania, S. Maclouius in Gallia, S. Laurentius Dublinensis in Britannia, Wilibrordus, Hubertus, Vrsmarus, Theodorus, & alij passim Sancti, hoc rore sacro malignos Spiritus perexercuarunt, fugarunt. Anno Christi 1628. ego ipse in sollenni processione, die Veneris sacro, Ingolstadij, quemdam è Societate nostra Patrem, collegam meum, ac Theologiæ Professore, multa jam nocte comitatus sum, in quem è spectatorum turba audax quædam femina inuolauit, eiusque brachium aliquoties plana manu permulsi, quasi ei blandiretur. Vix manum reduxerat, cùm ingens, eodem in brachio